

11 Agus thubhairt aingeal an Tighearna rium ann an aising, A Iacoib : agus thubhairt mise, *Tha mi 'n fo.*

12 Agus thubhairt efan, Tog fuas a nis do shùilcan, agus faic na reithean uile, tha reitheadh na spréidhe *gu bheil iad* stiallach, breac agus grís-fhionn; oir chunnaic mise gach ni a rinn Laban ort.

13 'S mise Dia Bheteil, far an d'ung thu 'n carragh, far an do bhòidich thu dhomh-fa bòid : a nis éirich, imich a mach as an tìr fo, agus pill gu tìr do dhil-sean.

14 Agus fhreagair Rachel agus Leah, agus thubhairt iad ris, Am bheil fathaist cuibhrionn no oigbreachd air bith againne ann an tigh ar n-athar?

15 Nach 'eil sinn air ar meas leis mar choigrich? oir reic e sinn, agus 'ftruidh e mar an ceudna gu tur ar n-airgiod :

16 Oir an faibhreas *sin* uile a thug Dia o'r n-athair, 's leinn fein, agus le'r cloinn e : nis uime sin gach ni thubhairt Dia riutsa, dean e.

17 'An sin dh'éirich Iacob fuas agus chuir e mhic agus a mhnai air camhalaibh.

18 Agus thug e leis a spréidh uile, agus a mhaoin uile a fhuair e, spréidh a chofnaidh, a fhuair e'm Padan-aram, gu dol a dh'ionnsuidh Ifaic athar gu tìr Chanaain.

19 Agus chaidh Laban a lomaist^a a chaorach; agus ghoid Rachel na dealbhan^b *bu* le h-athair.

20 Agus ghoid Iacob air falbh gun fhios do Laban an

Sirianach, a chionn nach d'in-nis e dha *gu'n robh e gu teich-eadh.*

21 Agus theich e leis gach ni bh'aige; agus dh'éirich e fuas, agus chaidh e thar an abhainn, agus chuir e aghaidh *re* sliabh Ghilead.

22 Agus dh'innseadh do Laban air an treas là *gu'n do theich* Iacob.

23 Agus thug e bhràithre leis, agus lean fe e astar sheachd laithean, agus rug e air ann an sliabh Ghilead.

24 Agus thàinig Dia gu Laban an Sirianach ann an aising 'fan oidhche, agus thubhairt e ris, Thoir an aire nach labhair thu re Iacob aon chuid math no olc.

25 'An sin rug Laban air Iacob. A nis shuidhich Iacob a bhùth 'fan t-sliabh, agus shuidhich Laban maille r'a bhràithribh ann an sliabh Ghilead.

26 Agus thubhairt Laban re Iacob, Ciod *so* rinn thu, *gu'n do ghoid* thu air falbh gun fhios domh, agus *gu'n d'thug* thu leat mo nigheana, mar bhraighdean^c *a thugadh a mach* leis a'chlòidheamh?

27 C'ar son a theich thu air falbh gu h-uaigneach, agus a ghoid thu uam, agus nach d'in-nis thu dhomh, agus *gu'n cuir*-inn air falbh thu le fubhachas, agus le h-òranaibh, le tiompan, agus le clàrfaich?

28 Agus nach do leig leam mo mhic agus mo nigheana a phògadh? a nis is amaideach a fhuara tu le *so* a dheanamh.

29 Tha e 'n comas mo làimh-fa cron a dheanamh ort : ach labhair

^a a rùsgadh, ^b òmhaghean. ^c chiomaich.